

雙藤書屋試帖
上卷下卷



03650

雙藤書屋試帖

試帖詩課合存原序

雙藤書屋試帖一卷凡百二十首靈石何道生蘭士撰齒莫少於蘭士故次居九蘭士取科第早入工部爲郎勤於其職終歲無一二日休澣而慨然有學問之志其爲詩疎爽雄健出入昌黎劍南之間自謂八韻詩猶未足以稱其他什因共爲課每課蘭士詩必先成最爲敏速所作特多故所存亦多皆出於簿書期會之餘偶有商榷應時改定以予束髮好議論與海內學士大夫相可否亦未數數遇有蘭士其人者也其爲八韻詩清新流利脫手如彈丸而蒨雅多姿隨手之變動成折宕其天才弗可及矣雖然蘭士所志者遠豈能區區以八韻詩論之哉長洲王芑孫序

雙藤書屋詩題目

巨鼇冠瀛洲 抱朴子喻蔽 一 首 一 一 飛波凌乎方丈

龍興雲屬 劉峻辨命論夫虎嘯風生 一 一 一

龍泉必在腰 杜甫寄董卿嘉榮猛將宜嘗膽 一 一 一 賦

金馬式 乃鑄為馬式上之賦 唐呂錡王起俱有 一 一 賦

落日照大旗 杜甫後出塞 一 一 一 馬鳴風蕭蕭

韓蘄王湖上 騎廬宋史韓世忠傳拜樞密使不以和議為然為

西湖以白樂平時將佐罕見其面又田汝成西湖遊覽志餘韓

世忠解樞柄迨遙家居常頂一居士跨驢周遊湖山纔以童史

四 一 一 圖元 混迹漁樵號清涼居士好事者遂繪為 一 一 一

吳萊題詩 崔鴻十六國春秋王猛傳隱於華山懷佐世之志希

王猛捫蝨 龍顏之主斂翼待時候風雲而後動桓温入關猛被

禍 詰之一面談當世之 人 雙藤書屋詩題目 一 一 一

丙吉問牛 漢書本傳吉嘗出逢人逐牛牛喘吉使騎吏問逐牛

典調和陰陽職所當憂 公 以譏吉吉曰方春少陽用事不宜太熱

狄青元夕張宴尊崑崙 朱子名臣言行錄儂智高守崑崙關

將佐軍校二鼓時青忽稱疾如丙數使勸勞坐客至曉客

未敢退忽報云是夕二鼓青已奪帥崑崙矣原註出筆談 日陰

李愬雪夜入蔡州 唐書李愬傳將請取止愬日 一 一 取吳元

濟也此至夜半雪愈甚近池南 兩雪諸將請取止愬日 一 一 取吳元

鵝鴨池愬令驚擊之以亂軍聲 庚信枯樹賦乃為歌日建章三月火 一 一 一

黃河千里槎 論語 謝靈運登石門最高頂借無同懷客 一 一 一

虎豹之鞞 謝靈運登石門最高頂借無同懷客 一 一 一

共登青雲梯 謝靈運登石門最高頂借無同懷客 一 一 一

王尊叱馭 漢書本傳先是瑯琊王陽為益州刺史行部至邛邽

史至其坂問曰此非王陽所畏道耶 一 一 一 險及尊為刺

其 日 驅 之 王 陽 為 孝 子 王 尊 為 忠 臣 一 一 一

春色滿皇州 謝眺和徐都曹出新亭渚宛洛嘉邀遊 一 一 一

海與山爭水

慎子不聽不明不能為王不聾不能為公

鴻毛遇順風

王褒聖主得賢臣頌翼乎如

待雪

鷹隼出風塵

杜甫奉東高三十五使君驕驅開道路

開林出遠山

杜甫早起帖石防噴岸

斜景雪峯西

杜甫出郭遠烟鹽井上

山明望松雪

顏延年贈王太常庭昏見野陰

愚公移山

列子湯問太行王屋二山方七百里高萬仞本在冀

州之南河陽之北北山愚公者年且九十面山而居
懲出入之迂也聚室而謀曰吾與汝畢力平險指通豫南達於
漢陰可乎遂率子孫荷擔者三夫汝之殘年餘力曾不能毀山一
之曰甚矣汝之不惠以殘年餘力曾不能毀山一之曰甚矣汝之不
石何北山愚公長息曰雖我之死有子存焉子又生孫孫又生
子孫無窮匱也而山不加增何苦而不平智叟無以應
操蛇之神聞之告於帝帝感其誠命夸蛾氏二子負二山一厓
朔東一厓雍南自此冀之南漢之陰無隴斷焉

雙藤書屋詩題目

明月前身

司空圖二十四詩品洗鍊流水今日

長生未央

漢瓦當文

以指測海

抱朴子論仙目察百步不能了了而欲以所見為有
所不見為無則天下之所無者亦必多矣所謂

陰陽為炭

賈誼鵬鳥賦

麥天晨氣潤

歐陽修六一詩話龍圖學士趙師民文章之外詩
思尤精如

一生二

老子道化篇道生一

春浮花氣遠

劉脊虛海上

雨絲煙柳欲清明

韋莊邠州遇寒食城外醉吟

桃李陰陰柳絮飛

王維酬郭給事洞門高閣霽餘暉

忽見陌頭楊柳色

王昌齡閨怨

封侯

左右修竹

司空圖詩品典雅座中佳士

賞雨茅屋

司空圖詩品典雅玉壺買春

斷帶續燈

舊唐書皇甫無逸傳轉益州大都督府長史樵採不
犯於人嘗按部夜宿人家燈炷盡主人將續之無逸
抽佩刀以衣

泥金帖

王仁裕開元天寶遺事新進士以一書一附家書中
報登科之喜

園柳變鳴禽

謝靈運登池上樓池塘生春草

深巷明朝賣杏花

陸游臨安春雨初霽小樓一夜聽春雨

士卒鼻藻

後漢書杜詩傳陛下起兵十有三年將軍和陸
注言其和睦歡悅如冕之戲于藻也

金貞玉粹

藝文類聚人部顏延之庭詒惟夫

金錢買燈

洪遵容齋三筆上元張燈本朝京師增為五夜俗言
錢忠懿納土進

飛星過水白

杜甫中宵

三月春陰正養花

歐陽修三日赴宴口占九門寒食多遊騎

雞缸本

御製又見朱彝尊曝書亭集

六轡如琴

詩小雅

曲終奏雅

史記司馬相如傳註揚雄以為靡麗之賦勸百風一
猶馳騁鄭衛之音

穎脫而出

史記平原君列傳平原君曰賢士之處世若錐之處
囊中其末立見毛遂曰遂乃今日請處囊中耳使遂

柳橋晴有絮

白居易宴洛濱

蛾子時術

禮記學記

春陰

梁簡文帝侍遊新亭應令沙文浪中積

春泥百草生

杜甫陪裴使君登岳陽樓雪岸蘖梅覆

焦桐入聽

後漢書蔡邕傳吳人有燒桐以爨者邕聞火烈之聲
知其良木請而裁為琴果有美音而其尾猶焦故時
人名曰焦尾琴唐王

春城無處不飛花

韓翃寒食

進名御筆不點出又請之且求聖旨所與德宗批曰與韓翃時有與翃同姓名者為江淮刺史又具二人同進御筆復批曰

又批曰與此韓翃云云

榆莢雨徐堅初學記歲時部上汎勝之書曰三月二分春色到花朝白屋易早春憶蘇州寄夢得霞光曙後殷於

水色晴來嫩似煙火花嶼讀書牀杜甫寄彭州高三十五使君適虢州岑二十七長

貫月查明書拾遺記帝堯在位有巨查浮于西海查上有光夜

如茅斯拔石介慶歷聖德頌衆賢之進夢吞丹篆異人傳韓文公慶有人與以

巨魚縱大壑王褒聖主得賢臣頌沛乎如五言長城自謂

白雪之白孟子水母目蝦郭璞江賦瓊蛸腹蟹冷筇和雪倚李洞題維摩場上人房

春帆細雨來杜甫送翰林張司馬南海勒碑野館濃花發至人心鏡莊子內篇應帝王

禹耳三漏白虎通聖人禮曰搏黍為鴛困學紀聞演繁露云

嶺樹如簪劉子正賞山下行者望新萍泛沚王融三月三日曲水詩序

風簾入雙燕謝朓和王主簿怨情花叢亂數蝶燕外晴絲捲杜甫春日江村

雙藤書屋詩題曰四

見驥一毛意林尸子不知善走不知其狀又淮南子說林訓

松栢陰塗子華子一樹一獲者穀也一樹十獲者木也

一樹百穫管子權修一年之計樹穀十年之計樹木終身之計

春風風人說苑貴德孟簡子相梁并衛有罪而走齊管仲迎而

仲子曰有餘人管仲曰今與幾何人來對曰幾何人矣孟

仲曰是何也對曰其一人父死無以葬我為葬之一人母死無

以葬亦為葬之一人兄有獄我為出之是以得三人來管仲上

車曰嗟茲乎吾窮必矣吾不能以一一一吾不能以夏雨兩

對門藤蓋瓦杜甫秦州雜詩一一一一映水竹穿沙

麥天晨氣潤見前

袖中有東海蘇軾文登蓬萊閣下石壁千丈為海浪所戰時有

取數枚以養石菖蒲且作詩遺垂慈堂老人我持此石歸

種竹交如翠杜甫春日江村一一一一栽桃爛漫紅

為鈴則小太平御覽珍寶部士緯銅同出于石一一一鑄鐘

稻生於水淮南子說山訓一一一而不能生於湍瀨之流

心如槃水荀子解蔽故人一譬一一一正錯而勿動則湛濁在

水雲魚鱗淮南子覽冥訓山雲草莽一一一旱雲煙火雨雲

人字柳本御製

燕乃睇夏小正二月來降一一一

簫聲吹暖賣錫天宋祁寒食草色引開盤馬路一一一

鉛可為丹淮南子人間訓鉛之與丹異形殊色而一一一者

青出於藍荀子勸學學不可以已猶一之一一一而青於藍水

一年七十二風舊唐書禮儀志太平之時五日一風一一一

葉皆為珠司空圖自河西歸山詩自註三珠樹山海經曰在厭

攝桑夏小正三月注攝而記之急桑也又畢注季春親事故急

鐵網珊瑚世說新語汰侈劉孝標注南州異物志曰珊瑚生大

生於石上初生白軟國人乘大船載鐵網先沒在水下一年便

生網日中其色尚黃三年色赤便以鐵針發其根繫鐵網于船

鑿恣意所作絞車舉網還裁

皇皇者華詩小雅

五明扇本出崔豹古今注道 御論辨正

孟方水方荀子君道君者樂也樂圓而水圓君者孟也

麝食栢而香荀子君道君者樂也樂圓而水圓君者孟也

海氣百重樓唐太宗於北平作

風送春聲入棹歌元稹早春雨香雲淡覺微和

王瓜生禮記月令

風雨奉龍淮南子說林訓人不見龍之飛舉而能高者

郊原浮麥氣唐張聿賦得首夏猶清和

坐茅以漁六韜文韜太公

道遠知驥曹植矯志詩

將飛得羽太元第六將

合聽則聖管子君臣上夫民別而聽之則愚

聖為天口王符潛夫論考績

棟莫如德國語魯重莫如國

水化為鹽賦彙唐黎逢有

首夏猶清和本謝靈運遊赤石進帆海詩

枕善而居劉勰新論慎獨

儒為雞廉桓寬鹽鐵論褒賈大夫曰文學雖有伯夷之廉不及

吞文學曰非患一之

點點楊花入硯池葉平巖暮春卽事雙雙花雀行書案

不差巖首淮南子主術訓大權輕重扶掖枉撓不失

四月清和兩乍晴司馬光居洛初夏南山當

臣心如水上前漢書鄭崇傳上貴崇曰君門如市何以欲禁切主

海中珊瑚得奇樹

杞梓呈材

衡誠懇禮記經解

師貞叶吉

瘦羊博士東觀漢記甄字北海人建武中徵拜博士每臘詔令

水鏡三國蜀志龐統傳注諸葛孔明爲卧龍龐士元爲鳳雛司

班定遠投筆後漢書班超傳超家貧官備書嘗輟業一而嘆

海上看羊十九年漢書蘇武傳匈奴徙武北海無人處使牧

袁安卧雪後漢書本傳注時大雪積地丈餘洛陽令自出案行

寒梅着花未王維雜詩來日綺窗前

九九消寒圖楊允字藥京雜咏詩第六十九首試數窗間九九

春傷門九冬至圖餘寒消盡暖回初梅花點遍無餘白看到今朝

王濬樓船下益州劉禹錫西塞山懷古

刻燭爲詩南史王僧孺傳竟陵王子良嘗夜集學士

刻燭爲詩四韻者則刻一寸以此爲率

刻燭爲詩四韻者則刻一寸以此爲率

刻燭爲詩四韻者則刻一寸以此爲率

刻燭爲詩四韻者則刻一寸以此爲率

刻燭爲詩四韻者則刻一寸以此爲率

射石飲羽史記李廣傳廣出獵見草中石以為虎而射之中石沒鏃視之石也因復更射之不能復入石矣徐廣注

冬山如睡郭熙山水訓春山豔冶而如笑夏山蒼翠而如滴秋山明淨而如妝

山冷微有雪白居易初領郡政衙退登東樓作

冰嬉太平御覽天部雨京房易飛候曰凡候雨以晦朔弦望雲漢四塞者皆當雨東風曰雷雨暴有黑

雲氣如船望雲漢四塞者皆當雨東風曰雷雨暴有黑

穊米在太倉莊子秋水計中國之在海內不似

書囊為殿帷前漢書東方朔傳孝文皇帝之時集上

春水船如天上坐杜甫寒食日作

竹聲兼夜泉李疑林園秋夜作月色偏秋露

春風柳上歸李白宮中行樂詞寒雪梅中盡

冶銅為農器魏書崔鑒傳為東徐州刺史於州內

鴉背夕陽多溫庭筠春日野行蝶翎朝粉盡

山晴彩翠奇白居易代書詩一百韻奇微之樹暖枝條弱

目耕南史王韶之傳家貧好學嘗三日絕糧而執卷不輟家人

人籟比竹莊子齊物論地籟則衆竅是已

斜陽下小樓杜牧題揚州禪智寺暮靄生深樹

寒山影裏見人家崔峒題桐廬李明府官舍流水聲中視公事

松門聽梵音王勃遊梵宇三覺寺蘿幌棲禪影

劉整畫地為船元史劉整傳造船五千艘日練水軍雖雨不能

蟄蟲始振禮記月令

龍虎榜唐書歐陽詹傳詹與韓愈李觀李絳崔羣玉王涯聯第

終軍請纓前漢書本傳南越與漢和親乃遣軍使南越說其主

雙藤書屋詩課題目

而致之闕下軍遂往說越
王越王聽許請舉國內附

織簾誦書

齊書沈麟士傳麟士少好學家貧

口手不

雷乃發聲

禮記月令

聚沙而雨

說苑得其人如一一之非其人如聚聾而鼓之

雨歇南山積翠來

李愷奉和聖製從蓬萊向輿慶閣道中留春
雨中春望之作雲飛北闕輕陰散

子長多愛

揚子法言君子篇仲尼多愛愛義也一一愛奇

三能色齊

史記天官書魁下六星兩兩相比者名曰三能一一

綠柳纒黃半未勻

揚巨源城東早春詩家清景在新春一一

笑比黃河清

宋史包拯傳立朝剛毅貴戚宦官爲之斂手聞者
皆憚之人以拯

青袍似春草

無名氏古詩三首一一長條隨風舒

曲直不相入

淮南主術訓人主貴正而尚忠忠正在上位執正
營事則變佞邪無由進矣譬猶方圓之不相益

而一一之

雙藤書屋詩題目

九

善師不暉

穀梁甲午治兵傳

折蒲學書

晉書王育傳王育少孤貧爲人傭牧羊時有暇卽一
忘而失羊

諫果

齊東野語涪翁在戎州日過蔡次律家小軒外植餘甘子
名於翁因翁之曰味諫軒其後王宣子子以橄欖送翁

翁賦云方懷味諫軒中果忽見金盤橄欖來想見餘甘

有瓜葛若中真味晚方回然則二物可名之爲一一也

落花還就影

梁簡文帝納涼一一一一驚蟬乍失林

二十四番花信風

歲時記江南梅花風前棟花風後一一一一

四之日舉趾

詩幽風

以水投水

列子說符白公問孔子曰人可與微言乎孔子不應
曰若一一一一何如孔子

微雨從東來

陶潛讀山海經一一一一好風與之俱

春郊餉耕徒

晁沖之和十二兄五首一一一一秋社結酒友

麥氣涼昏曉

江總遊攝山荷衣步林泉

麥光紙

元稹奉和浙西大夫李德裕述夢四十韻麥紙侵紅點
注書詔皆用麥紋紙又蘇軾和人求筆述一鋪几淨

取無

醉墨成桃

酉陽雜俎安期生以一灑石上皆一花

春雨如膏

大樹將軍

後漢書馮異傳異為人謙退不伐行與諸將相逢輒
引車避道進止皆有表識軍中號為整齊每所止舍

諸將並坐論功異常獨屏
樹下軍中號曰

和神當春

陸雲谷風一一清節為秋

流觴曲水

王羲之蘭亭稊敘又有清風激湍噴帶左右引以為

律中姑洗

禮記月令

草木莢生

管子度地春三月一一可食

三月桃花浪

杜甫春水一一江流復舊痕

珠塵

拾遺記憑霄雀嘗遊丹海之際衝青沙珠積成隴阜其珠
輕細風吹如塵起名曰故仙人方圓遊南嶽讚曰

圓潔輕且明有
道服者得長生

燕雁代飛

淮南地形訓土龍致雨一一注燕春分而來雁
春分而去燕秋分而北雁秋分而南故曰代飛代者

也更

鑑空衡平

山意衝寒欲放梅

杜甫冬至岸容待臘將舒柳一一

雙藤書屋試帖

巨齋冠瀛洲

立極曾須爾瀛洲
渺一毫戴山真嶽嶼
躍海波濤頭角崢嶸
起峰巒位置牢
犒投嗤廣釣蟲負笑
凡曹宛轉疊梁接虛無
蜃殿高力兼方丈湧勢挾
百靈豪初日明千嶂
迴風引萬艘大言
微抱朴突兀想神齋

龍興雲屬

蒼莽起潛龍層雲盡景從
興時看鬱勃屬處儼朝宗
山澤全噓氣乾坤一盪胸
之而惟髣髴攪網極橫縱
尺木真無藉靈旗詎有蹤
雷聲歎大壑雨勢壓千峰
天與亨衢躍人期解澤濃
佇看甘霽足沾渥遍

雙藤書屋試帖上

堯封

龍泉必在腰

斥堠傳烽火將軍罷射雕
龍泉耿耿鹿塞夜迢迢
風信時聞角霜鋒總在腰
銜環孤月迴拔鞘
衆星搖虎豹全握熊羆士
不驕練光寒曉日蓮鏑撫
中宵兵自藏胸富謀寧負
腹枵雲臺吾輩事努力繼
嫖姚

其二

邊帳移防急連營靜不囂
龍泉常在握魚袋並垂腰
肝膽知誰共烟塵仗爾消
十圍犀屬闕三尺電光搖
虎氣寒吞日雷聲轟吼宵
平添金帶重斜拂玉鞍驕
浩蕩崆峒倚摩挲碣磈澆
杜陵思健者彈鋏起長謠

金馬式



何道生



蘭生



善馬誰能別羣推嬰鑠翁按圖嗤粉本鑄式付金工躍冶騰房
駟傾山出礦銅烟生噴玉白醖吐汗珠紅骨格鑪錘外皮毛洗
伐中連錢經百鍊夾鏡閃雙瞳神駿生平賞凡材顧盼空方知
騎欵段未足老英雄

落日照大旗

曠色蒼然至行營日落時一聲嘶塞馬孤影認門旗照耀龍蛇
動掀翻烏隼披繖撐炎火似標建赤城疑笳鼓嚴昏暮桑榆壯
指麾朱殷連斗閃彩翠奪山奇拔幟思摧趙揮戈欲挽羲
十全欽聖武露布佇飛馳

韓斬王湖上騎驢

跋馬金山後西湖解組居雄才原卧虎末路竟騎驢形勝三河
尖波光十頃舒據鞍空矍鑠攜榼當儲胥逐鹿中原罷亡羊半

雙藤書屋試帖上

二

壁虛灞橋烽火隔函谷夢魂餘雪窖悲荒塞柴扉掩敝廬詩囊
酣醉墨還似草軍書

其一

志欲中原復身經百戰餘金脾收詔後玉帛議和初北闕朝參
罷西湖景色舒背鬼曾躍馬挈榼乃騎驢放眼殘山在雄心伏
櫪如鶯花娛半壁風雪憶穹廬踪跡飛鴻奇功名夢鹿虛清涼
真有味緩轡也當車

王猛捫蝨

貨奮歸來日秦關虎豹屯踪雖潛華岳氣已渺桓溫率爾君顏
接夷然我蝨捫貫輪言破的拊髀血留痕痛癢斯民係驅除此
志存一身叢垢膩隻手有乾坤失意聊披褐凡才笑處禪江東
無爾匹揮塵祇空論

丙吉問牛

賢相調元日經綸佐大猷趨公方肅駕喘息忽逢牛丑紐萌芽
觸丁寧道里諷不應同暑路恐是厯星郵汗豈因書致聲胡見
月猶陰陽誰所職愆伏我當憂此物關和鼎于時小駐騶寄言
司牧者民瘼在勤求

狄青元夕張宴奪崑崙關

元夜宜高會軍中甲罷環酒兵方對壘鐵騎却趨關陣訝頽雲
壓弓驚滿月彎銜枚機不測借箸算都刪燈火三更徹戈矛一
霎還舞猶酣玉帳歌已唱刀環鴉鴨聲寧雜貔貅律自嫻折衝
樽俎地膽足破諸蠻

李愬雪夜入蔡州

飛雪壓城樓潛師入蔡州寒光生甲冑風色閃戈矛馬首從天

雙藤書畫試帖上

三

降鵝毛匝地周掀翻銀世界照耀鍊兜鍪鸛鶴人聲亂獬豸虎
踞休功真成白戰軍特起蒼頭績紀宗元雅機參相度謀百年
逋寇盡遺烈壯淮流

黃河千里槎

浩瀚崑崙水浮槎縹緲過三秋凌碧漢千里湖黃河掉豈憑烏
榜飄惟任白波畧同鷗泛泛不羨扁峩峩一曲形堪驗雙星認
不訛橋應看渡鵲梁或駕鳴鼉使節尋源遠功名鑿空多壯遊
傳博望庚賦感婆娑

虎豹之羆

是羆皆同耳焉能識所由虎文空想像豹蔚漫搜求鬚鬣風從
日依稀霧隱秋誰言其象炳多事此皮留威憶曾蒙馬章思舊
節裘擁寧堪作座張或可爲侯毛伐經三矣斑窺見一不那須

疵更索已覺犬羊猶

共登青雲梯

縹緲危峰上青雲若可梯仰登天闕近俯視衆山低有伴同霄
路遺踪異雪泥攀真期絕頂到卽脫凡踪髣髴層桃布從容拾
級躋境穿嵐翠迴階並玉樓齊紫府亨衢接紅塵舊徑迷石門
饒勝趣警句更誰題

王尊叱馭

九折邛崃坂羊腸一徑通回車原子孝叱馭乃臣忠攬轡思前
躡先鞭勵匪躬大聲驚谷應窘步笑途窮五馬盤峰翠雙旌映
樹紅馳驅惟鳥道顧盼失蠶叢報國心懸日行空氣吐虹王尊
遺跡在雲棧想流風

春色滿皇州

雙藤書屋試帖上

四

景色

皇州麗星迴斗柄春天心開

壽萬民氣樂

昌辰臺有熙熙象宮真六六勾鶯花千隊合燈月一番新紫陌
香泥軟青山暖翠皴遨頭尋舊約婪尾記前因盛德行榮木
虔禋日記辛

龍飛周甲歲瑞靄集

楓宸

海與山爭水

水德惟流濕爭之孰最能山靈雖可恃海若實堪矜萬斛波無
底千盤石有稜胸真空芥蒂骨漫恃峻嶒瀕洞吞羣派巉巖束
幾層朝宗趨自捷失勢落難憑峽縱誇龍出門終讓鯉登微言

尋慎子

聖度仰淵激

鴻毛遇順風

浩浩天風順飛鴻快所遭豈惟盤健翮兼可助豐毛九萬培斯厚方圓見自高破空聲益遠戲海勢增豪羊角扶搖便颺輪駕馭牢飄然憑鼓盪善也極翔翮腹背精神出吹噓氣力操鷓行儀羽集頌語陋王褒

待雪

霜信連朝緊風聲徹夜號人心期快雪天意重流膏漠漠雲波湧濛濛月彩韜爐先煨楮酒豫壓蒲桃撥棹思尋戴烹茶擬學陶隔窗消息問擁被夢魂勞歌憶紅牙按詩防白戰塵呼童教縛帚三徑待遊遨

鷹隼出風塵

雙藤書屋試帖上

五

霜隼精神健蒼鷹氣象豪塵氛真迥出風翮任翔翺駿骨煩修羽雄心乍解絲雙飛騰碧落一瞥去晴臯華岳峰何峻秋空勢本高自能開境界所往絕紛囂跡久辭泥爪功將見灑毛漸遠鴻共吉

盛世集英髦

開林出遠山

一望青林密參差隔遠山特爲開翳會用以出孱顏生翠空中現繁華悟後刪峰疑來海外岫愛列窗間瘦骨看逾好凡材伐豈慳此心無俗障到眼有花鬢岡勢宜龍卧巢痕誤鳥還恰如高隱士相訪欵柴關

斜景雪峯西

晃朗千峯雪峯西夕照斜如看元圃玉忽起赤城霞金粉層層
豔燕支淡淡遮齊頭明遠樹閃背寫昏鴉冷劃屏三面光分髻
一了塢尖標梵宇屋角認山家嶺界諸天迴樵歸暮景賒佇看
開霽後曦馭擁東華

山明望松雪

霽色開林表遙山入望重重盈餘積雪落落寄長松乍覺清光
合難尋翠靄濃冬心增淡泊古貌失豐茸蓋影明千嶂濤聲冷
一峯歸樵迷舊路樓鶴認高蹤最好瓊樓映還疑玉樹逢荒寒
圖畫裏探勝欲支筇

愚公移山

塞地層峰峻途嫌出入迂移之謀竟遂笑者智翻愚股豈蓬萊
割鞭非赭石驅自然神力助倏爾地靈趨坤軸誰能運孫謀本

雙藤書言呈試帖上

六

太紆令行丁甲速勢挾雨風俱形勝千秋闢精誠一氣宇寓言
稽列子感格理寧誣

明月前身

妙品修誰到仙靈位業真寒梅輸勝果古月認前因天上光明
藏凡間磊落身莊嚴曾七寶形影恰三人胸次頻看鏡襟懷久
絕塵浮雲同幻化秋水鬪精神悟徹千潭印心期五夜親謫星
差可擬超詣更無倫

長生未央

漢殿重門啟鴛鴦翠接囊却將多壽祝巧借未央名模範千秋
在迴環四字縈貞符鑄玉筋服食咽金葦直比山呼重休嗤瓦
合輕樓居仙世界雲構小蓬瀛日向壺中永春從屋角生至今
遺碧甃還作硯田耕

以指測海

巨海寧能測宏深納萬川如何憑染指竟欲投鞭直下千尋
杳平將一腕懸迴瀾誰隻手汲綆乃空拳伸祇無名耳量徒有
志然拾非杯水芥孽豈華峰蓮漫詡天龍豎終教面目旋淵涵
欽

聖度臂使得英賢

陰陽爲炭

大造鴻爐啟陶鎔炭孰資一元憑鼓盪二氣妙推移木豈陰陽
辨天教冷煖知飛灰看律協搏土異人爲黑本元冥應焦還夏
臭宜光分媧石爛焰吐燭龍奇那藉薪標錯惟將橐鑰司
體乾欽

聖化溫肅柄同持

雙藤書屋試帖上

七

麥天晨氣潤

藹藹晨光啟郊原麥氣連潤迎梅子雨涼抵稻花天穗重含風
軟香浮浥露鮮烟痕皴柳絮階緣上苔錢絲影綠空駐禽聲破
曉圓醞酬分渥澤餅餌兆豐年雉隴晴暉麗龍圖藻思傳

宵衣厘稽事

祈實仰精虔

一生二

老子名旨闡苞符理數呈一元原渾渾二氣自生生於穆空虛
蘊陰陽鼓盪精圖終剖判對待本流行核豈雙仁種芽還兩
葉萌化神機不息奇偶用相成靜驗虧盈象微參闡闢情
皇衷惟抱式德更地天并

春浮花氣遠

照海春空麗尋芳暢遠遊忽看花氣益直與水痕浮錦繡張無
縫雲霞爛不收韶光真有脚秀色總盈眸香界蓬蓬杳風番欵
欵柔吹來皆活潑到處足勾留霧漫籠三里烟疑繞十洲伊誰
能看徧臭味契清幽

雨絲煙柳欲清明

又近清明候東風作意涼雨飄絲樣密烟冑柳條長細倩鶯梭
織濃教燕翦藏暖寒渾各半節氣費精詳到眼青葱好關心白
打妨碧分篔影重紅濕屐痕香聽爾催春老憑他結別忙秋千
高映處吟望想韋莊

桃李陰陰柳絮飛

桃李開殘後垂楊漠漠遮敷陰如罨畫擘絮作輕花芳樹春三
月浮萍水一涯蔚藍光掩映飛白勢橫斜夢冷尋香蝶巢迷覓

雙藤書屋試帖上

八

宿鴉層層張翠幄點點落銀沙子滿知誰勝風狂任爾誇陽和
多野景吟興輞川賒

忽見陌頭楊柳色

記得曾攀折長條拂馬蹄忽經春色到又見碧痕齊眼媚籠烟
膩眉纖帶露低畫來隄遠近送盡客東西淺淡含新綠依稀認
舊萋雙飛憎燕影小語惱鶯啼已共腰肢瘦還看翠黛悽封侯
人對此知否憶深閨

左右修竹

修竹何瀟灑清陰入座佳高低千个綠左右兩行偕鸞尾齊參
漢龍孫互夾階浮筠侵坐榻分綠上詩牌圖史添幽趣淇泉暢
遠懷交加聯翠袖往復礙青鞵影並朱欄亞班真玉筍排此君
宜嘯咏擬訪子猷齋

賞雨茅屋

賞會欣逢雨沾春酌滿飽烟畦新翦韭老屋舊編茅簷溜銀繩
掛山泉瀑布拋三重雲勢壓一色浪痕交徑覺惺忪滑門停劍
啄敲濕紅霏砌角濃綠上堂坳蝸篆牆陰曲鶯歌樹底澹更看
寒翠滴修竹亞風梢

斷帶續燈

長史推廉節茅簷掃榻曾斷將垂佩帶續此短檠燈裂處蠶絲
細然時鶴醖騰有餘能善用無盡乃堪稱燭本光明化銘剛火
滅徵蕙纒原自馥蘭炷那須增腰腹圍真副脂膏竭久懲
幾餘厓問夜
睿照德占恒

泥金帖

雙藤書屋試帖上

九

餅說紅綾豔名標墨榜華泥金親蘸筆書帖付籠紗色相分千
佛恩光兆五花幾年纔躍冶萬選竟披沙紙敵三都貴封兼尺
素料題時增鄭重到日想喧嘩字欲精鏤值文原錯采誇更看
調鼎鼐黼黻煥

天家

園柳變鳴禽

忽破園林寂驚春第一聲柳纔凝睇裊禽已弄吭鳴淺淺新歸
色依依久別情暗隨芳節轉宛踐隔年盟含嚙分宮徵悠揚辨
重輕腰肢縈百轉絮語話三生欲問來何處誰言有不平流光
真可愛物態又潛更

深巷明朝賣杏花

消息傳紅杏催開幾樹花遙知聲婉轉早遍巷橫斜摘想融脂

片挑還帶露華凌晨先欲買索價預愁香腔合錫簫和招應綺
陌譁插瓶商隔夜壓帽定誰家入夢香擦蝶關心陣噪鴉明朝
聽賣處人語到窻紗

士卒鼻藻

時雨王師象恩深士卒和如鼻隨上下在藻其婆娑游泳心無
競淵涵意不苛氣增茶共火陣合鶴兼鵝朱鷺喧鑊吹青萍舞
劍歌暖知春水闊都異黑雲過勢掃萑苻迅威驅草木多從軍
饒樂事環海靖鯨波

金貞玉粹

自昔崇佳士伊誰秉異姿貞同金介爾粹比玉溫其質露披沙
候光含在璞時精鏤三品貴界尺一方持大冶剛能克浮筠涅
不緇鍊來寧繞指截處漫誇釐麗水儲輝久藍田望氣知

雙藤書屋試帖上

十

宸衷塵勵俗庭誥采延之

金錢買燈

風月原無價良宵買孰能却輸千萬鈔爲乞兩番燈佳節行將
過歡場忽復興製添油漆巧標憶紫黃矜豪舉平生慣光明此
夕增迴天真有力棄地又何曾畧比重陽展非關閨月仍流傳
今不替忠懿事誰徵

飛星過水白

草閣宵憑檻溪光漾翠微忽看孤白過却是大星飛到處波俱
動流來影若揮三更澄綺縠一瞥走珠璣勢速穿雲陣芒寒射
石磯蚌胎爭閃爍鷗夢照依稀璧月初窺牖銀河正指幃此時
吟眺意螢點悄黏衣

三月春陰正養花

病月繁花生閒庭晝正陰已知舍雨意兼有惜芳心春色曹騰
老天工擁護深畧教初日映未許午曦侵霧影籠三徑霞光絢
一林胭脂融滑膩水墨畫蕭森土脈惺忪潤雲痕淡沱沉
御園嘉植茂布濩漚

宸襟

雞缸

雞缸傳舊式初始自成窯埏埴辛勤就丹青子細描畫曾聞越
器彝本重周朝酒挹金壺滿花籠絳幘嬌春秋新釀熟風雨故
人招鸚鵡栝同泛鷓鴣勺共漉五經堪配德三雅合分標待飼
塵

宸慮題詞

睿藻邀

雙藤書屋試帖上

十一

六轡如琴

攬轡歌柔矣操琴意宛如馳憑周道直數較舜絃餘流水濼洄
逐高山陟降徐聲琤諧玉軫韻自和瓊琚偶爾雙驂舞居然六
氣舒御原神作馬理本德爲車緩緩交衢際麟麟按節初同和
今有象律度仰

鑾輿

曲終奏雅

寂寞元亭客潛心誦子虛同工徵曲異奏雅愛相如正始篇終
接高文簡未攄果嘗回美候蔗噉漸佳初白雪吟哦遍朱弦唱
歎餘遺音原自有顧誤亦何疏方信新陳賦無殊舊諫書至今
傳典冊莫但侈吹噓

穎脫而出

但使囊中處何須見未疑出應如匣劍穎不讓毛錐兼有三端
利寧誇一映奇畫沙鋒乍露指地鏡堪資豈借新硎發羞將補
履施透真看桶脫織肯類鍼垂冶擬騰騰躍班嗤碌碌隨笑他
珠履客雞口效鑽籬

柳橋晴有絮

宛宛虹橋卧垂垂碧柳新嫩晴迎淺燠飛絮送餘春雁齒粘來
活魚鱗糝處勻薄遮花嶼影軟襯石闌塵風緒多情綰煙光着
意皺波紋迴作錦岸草墮疑茵舊跡隨萍梗清游記洛濱何如

承

帝澤人字藹

龍津

蛾子時術

雙藤書尾試帖上

七

莫笑蚍蜉弱須師蛾子勤慕羶情漫切時術志偏殷一簣蠓山
覆千盤鶴埵分綢繆未陰雨愛惜到斜曛厚地堅能入微忱用
不紛磨旋看逐日戶窻或占雲穿穴惟憑力經營自樂羣
宸衷厘典學深契曲臺文

春陰

秀野青蔥色春光澹沲陰平分寒暖候難定雨晴心山遠連無
際樓高傍不禁綠波濃畫嫩柳淡搖金黑訝雲頭重黃犢日
脚沉煙痕淨草活天意養花深蠟膩朝行屐絃寬昨上琴農田
關

睿慮潤物佇爲霖

春泥百草生

令屆勾萌達生機滿大堤時和風泛草春暖雪融泥滑蘆香塵

膩龍葱翠毯齊池塘幽夢破野燒舊痕迷往跡餘鴻爪前程送
馬蹄有心清不滓隨意綠成蹊靡靡浮烟活蒙茸映水低
恩膏行葦逮象可喻蒸黎

焦桐入聽

七尺桐材美中郎爨下尋半焦餘朽木入聽得瑤琴奇遇倅燒
尾元聲劇動心相煎何拉雜特識自精深已分薪燠伍俄參雅
頌林千秋誰絕調一代此知音善手真傳火明徽合鑄金柯亭
椽竹笛應遜德愔愔

春城無處不飛花

不道春如許飛英已滿城
搗來爭爛漫到處忽縱橫
園覺蜂喧靜筵看燕蹴
輕彩雲濃易散香雨膩
無聲浸水紅霞豔連山綠
霧明鶯歌餘百嘯蝶夢醒
三生寒食江邨路東風
杜曲情柳絲空裊裊
愁絕此韓翎

雙藤書屋試帖上

十三

榆莢雨

榆莢含青淺甘霖沛澤初在天原歷歷入地亦徐徐
南陌翻犁候千村取火餘
絲看飄處似錢恰買來如掩映
高還下廉織密復疏粉應連
舊社禾可種新畝占是農家
事名徵汜勝書

楓宸厘雨若

恩渥遍扶輿

二分春色到花朝

最好春韶日餘寒積漸消
二分會月夜一樣此花朝
芳信鶯初覺深叢蝶乍
撩從頭來緩緩屈指算
迢迢禁火兼旬隔番風幾
次邀杏看隨處鬧菜憶
去年挑百五餽簫近秋
千畫板搖

熙朝逢置閏煙景後期饒

水色晴來嫩似烟

夜雨芳郊足朝來景物妍晴光多在水嫩色恰如烟活碧平鋪地濃青遠接天共山浮翠靄似日暖藍田勢欲因風皺痕疑映草鮮乍看惟蕩漾微辨有淪漣漲軟三篙膩波澄一鏡圓蓬瀛雲路迴好爲送春船

花嶼讀書牀

何處書聲起迎眸但見花匡牀濃綠繞孤嶼亂紅遮蟬走晴開帙蜂喧午報衙百城堆錦繡四壁炫雲霞籠籥潤風枝拂席斜科頭偕石丈粲舌吐天葩雅韻攬鈴鐸清芬入齒牙此時揮綵筆麗句自芳華

買月查

浩浩臨無際孤查海上浮乘風萬里浪買月一輪秋界迴連河

雙藤書屋試帖上

十四

漢光寒逼斗牛迴旋周玉宇縹緹樓瓊樓影或榆星傍香應桂粟收舒波誰徑渡穿脇此橫流駛逐纖阿馭輕資羽客遊寧同誇異域鑿空博封侯

如茅斯拔

聖主賢臣契登明似拔茅彙征占有吉采擢類無滄蘭久當門刈葑曾下體拋忽看聲氣應重見地天交藉用尊瑚璉升香達廟郊山間蹊乍闢江介甌全包純束真如玉連茹豈繫匏菁莪

帝澤長協泰初爻

夢吞丹篆

秘笈傳姚姒遺聞舊溯韓夢酣甜趣黑吞喜篆文丹色照心同炳書番典不刊奇光超綵筆誕語異神官栩栩留形住赧虬入

腹蟠花嗤生處幻錦笑割來殘入手琅函富捫胸玉筯寒醒時
看石鼓蝌蚪識無難

巨魚縱大壑

緬彼明良契非徒水石如波瀾翻大壑風雨起神魚儔本常鱗
異懷真若谷虛乘流欣浪闊歎沫儼雲嘘宛爾游無礙悠然逝
肯徐登龍應結伴涸鮒笑窮居騰躍爭先日噉喙向化餘
御園歌在藻愷樂萬方胥

五言長城

孰敢摩詩壘精嚴說長卿五言工短律萬里抵長城拓地毫端
健論都紙價爭宮商俱協應樓觀儼飛驚不日成堅壁連年笑
賦京真同書坐擁豈止硯躬耕漫擬三分峙誰能一顧傾偏師
徒自詡未許鬪心兵

白雪之白

是白皆同例誰能白雪猶凌空標素質受采異凡儔月魄寒無
影雲英凍不流含花惟燦爛成璧謝雕鏤謾說春泥浣終教夜
色浮撒鹽休便擬飛絮總難侔染豈須鍾氏封應替粉侯何當
窺玉戲晃朗躡瓊樓

水母目蝦

倏爾乘潮至居然大物麗名徵生水一目訝引蝦雙比附同蛭
壓形容類帝江更無珠可混豈慮網能撞俯仰隨鬚杖蹒跚度
蘇缸青綃偏不障白角自甘降所視明爭效相依力共扛景純
標異產風味想南邦

冷筇和雪倚

枯筇扶冷色隨意到空林倚處和殘雪悠然見遠岑春泥前度

跡孤竹歲寒心九節過頭曳三义緩步尋玉樓雙影健蠟屐一痕深腰脚從人鬪冰霜共爾任梅應探塢畔磴不滑溪陰還剩青蚨在村沽佐獨吟

春帆細雨來

持節春江上舟行驛路嚴有時經細雨無恙挂輕帆飽滿長風送溟濛薄霧銜繁聲喧桂棹涼意入蕉衫碧浪生前浦濃雲畫遠巖珠跳千點碎練淨一條嵌避棹鷗羣冷依檣燕語喃恩膏星使布沾渥萬方咸

至人心鏡

至德真人擅靈瑩湛一心宛同明鏡設未許點塵侵鑑是千秋朗功非百鍊深虛懷原似水王度式如金坐照羣倫徹包羅萬象森妍媸隨所遇鑒別自能任泊爾空形色淵然洞古今

雙藤書屋試帖上

六

宸衷懸日月無外仰

君臨

禹耳三漏

謨仰黃能裔文徵白虎通耳雖緣聾塞心自達神聰三漏傳奇表千秋頌至公數非增額上象却得環中有欲觀其窮無私奉厥躬五聲聽四岳一脉繼重瞳虛已言恒拜多聞治益隆

聖皇今翕受稽古見昭融

搏黍爲鸞

伯厚譏繁露詩箋溯葛覃流鸞人共識搏黍號誰諳義合春鉏證名從布穀參喫鳴曾紀雅司啟舊聞郊應候同批頰庾辭類竊藍呼教看二麥聽憶雙柑啄粟應嗤鳥遷喬正浴蠶農功

關

睿念動植

澤胥涵

豨膏運方穿

軸本因圓運穿胡受以方豨膏雖取滑馬力豈能強挈處瓶非
罄推來載亦長那堪稜角厲恰與徑圍妨入苙勞追放于牢枉
截肪機樞乖鑿柄脂壘漫衡量絜矩心徒切椎輪用莫彰淳于
工炙輓託喻試推詳

嶺樹如簪

維嶺參天峻蒼然有茂林遙看初辨樹仰望却如簪帶雨濃于
翠經霜燦若金最宜眉黛襯恰好髻鬟侵纓已縈蘿薜華還綴
烏禽盍連雲藹藹磨倚石森森高遠形難測猜疑意不禁載稽
劉宙語祛惑契

宸襟

新萍泛泚

嘉會王融序清游勝洛濱泚連芳草遠萍泛嫩波新宛爾中央
在油然一色勻弱難勝睡鴨疎不隔潛鱗流水纔今日楊花又
夙因雨過珠細點風約碧微皺采采空塘綠蓬蓬別浦春若爲
依

太液瑞實驗輪囷

風簾入雙燕

華院朱扉敞清風落畫檐雙來語燕款款入疎簾受處身微
側投將影忽兼乍看拋剪疊不礙織筠纖巢穩歸同切泥香約
並添未妨銀蒜押齊拂玉鈎尖漫擬孤飛鷺還疑比翼鷓
宸衷觀物靜小謝句堪拈

燕外晴絲卷

春晝江村永晴光淡沓時依人來語燕入望卷游絲影駐飄無力身輕度未知弱同烟繚繞遙隔羽差池裊娜捎應嬾高空上轉遲似防拋玉翦故與傍花枝擘絮雲初散披緜雀漫隨杏梁棲穩處鎮日繡簾垂

見驥一毛

幾見空羣驥標奇祇一毛有倫矜獨得欲相術何操皮骨原難據驪黃詎足褒五花雖不惜三伐亦徒勞尾想牽來窳鬣憐弱出高用惟宜截玉狀豈識騰槽無異斑窺管休誇智察毫魯伎傳妙喻試證九方臯

松柏蔭塗

松柏龍蔥茂旋徵美利敷自然成樾蔭卓爾庇經塗幹老濤聲

雙藤書屋試帖上

大

殷陰圓黛色映天光恒暑懣人意小踟躕本性含霜雪貞心閱道途山間嗤徑塞李下異踐無暫使趨炎歇還教病渴蘇
幘幘今遠被蕩蕩接康衢

一樹百穫

穫以多爲貴惟應計樹人一賢蒐衆萃百爾積羣薪培溉菁英到牽連臭味親桂枝爭擢秀蕙晦共涵春玩寶輕朋錫翹材重个臣遂教非種去佇見彙征頻利較餘三溥功超不二神
聖心厘養士管語擷其醇

春風風人

蘋末風微起當春風最和天心資長養人意樂婆娑袷服輕初受簫聲暖忽過贈言思吉甫矢雅叶卷阿快欲襟披我仁非扇奉他劇憐吹以息自覺婉而多協氣潛噓喻生機默蕩摩登臺

今有象霸佐語寧訛

對門藤蓋瓦

門巷幽如許山家對蒔藤濃陰齊蓋瓦引蔓總連塍雲護鴛鴦
紫苔侵翡翠凝四圍煙漠漠一桁碧澄澄絡索簷牙映盤擎屋
角升香分棲燕壘影漏飼蠶鑿天失炎三伏人歸綠幾層東柯
思卜築杜老興飛騰

麥天晨氣潤

宿麥連塍長風光候嚮晨郊原浮有氣軒檻潤宜人餅餌香先
拂醞醱澤並醇農功趨破曉天意駐餘春屐齒苔侵膩峰眉黛
埽勻漸迎梅實雨輕壓杏花塵歧秀含滋擢膏肥浥露新
皇心厯穡事句采趙師民

袖中有東海

雙藤書屋試帖上

九

振袖搗奇石搜羅自海隅收將千頃闢入此一卷孤挹豈浮邱
共吞疑瀕洞俱波濤歸掌握島嶼縮衣襦自覺風生腋非關繡
拆圖望洋驚浩浩揮袂笑區區幻擬須彌芥供宜益壽蒲
宸章芝岫煥賞詠陋髯蘇

種竹交加翠

修竹竿竿翠移從老圃家未成陰麗綬乍覺影交加鴉背新鉅
壤貓頭競茁芽籜迎春雨解袖倚暮寒斜葉動看纒定枝橫望
又遮字難分萬个徑不辨三義寫月篩金瑣凌風漾碧紗草堂
吟趣好興爲此君賒

爲鈴則小

物有爲之小堪徵出石銅從來鈴樣巧亦賴範模功膜護單層
薄聲傳一隙通紐形含屈戍舌語轉丁東不日鑪錘就零星掌

握中簷牙教和兩旛角遣司風拂澤求非易圖澄識枉工何如
鐘萬石振聵仰

宸聰

稻生于水

澤國偏宜稻端由水德含湍流原不藉生意自相涵一望迷畦
町千邨漾蔚藍鳩呼新雨足蛤吹晚涼酣淨許秧分綠鹹資粒
作甘關心占卯冒塗足課丁男饔抱勞寧似車翻製久諳農功
塵

耄念名論溯淮南

心如盤水

方寸誠如水端由靜乃明息深修綆汲錯正滿榮盛是物迎眸
見無塵徹骨清虛摹心鏡朗圓抱意珠瑩月印寒千載冰襟凜

雙藤書屋試帖上

二十

一生淵源今日證精白舊時盟空洞祛纖翳波瀾盡老成

至人平政化妙喻采荀卿

水雲魚鱗

雲或生于水形容記不韋魚游看鬚鱗次認依稀乍覺重重
掩真如六六肥輕陰圓有量淡墨潑成圍月襯金波漾霞添赤
尾飛含星疑沫吐擁樹儼蒲依片段時疎密描摹入細微爲霖
資爾鍊膏渥徧

皇畿

人字柳

御柳呈嘉瑞重栽自

液池象人曾有種成字獨標奇秀比禾同穎形殊麥兩歧垂珠
搖曉露倒薤漾晴絲波磔無多處風神絕妙時摹來新樣脚不

減舊腰支

賦就輝丹筆圖成映

赤墀靈和誇蜀產應讓此丰姿

燕乃睇

小正書來燕時剛二月交歸應尋舊壘睇乃定新巢似索巡簷
笑如防止幕嘲斜窺纔戶外小立又花梢相度心何切經營智
孰教凝眸襟乍整轉盼翦頻拋露網潛身拂風簾側翅捎主人
相憶久慎莫厭衡茅

簫聲吹暖賣錫天

二月飭香候街頭聽短簫似將新暖送頓覺嫩寒消製比搓酥
膩腔憑截竹調泥聲雙屐軟花影一肩搖白打分錢買青帘佐
酒招牙膠春萬戶響徹甚千條風送鶯簧和晴借杏擔挑

皇都煙景麗民樂叶咸韶

雙藤書屋試帖上

三

鉛可爲丹

鉛質同乎錫如何可作丹性情窺物曲變化妙人官鍊處精英
出成時異采觀刀曾艱一割墨莫近雙丸赤黑原區別丁壬爲
控搏賁偕松共入研趁露初溥服食方多誤甄陶論不刊
宸衷厯格物術數陋劉安

青出于藍

色相分深淺端由漸漬成藍雖昭厥采青乃出逾精乍覺波光
絢旋滋木德榮拂衣新柳染張幃遠山橫濃淡調勻得工夫變
化呈踏憑雙屐健采憶一襜盈綺麗增前輩文章付後生冰寒
同比例勸學記荀卿

一年七十二風

盛世徵時若休和可驗風按年從不忒紀候恰相同花計三番
信春添一倍宮八方乘以九十雨間其中豈止鳴冬善能均育
物功直沽潮迭應福地竊潛通機鼓葭尿管吹辭黍谷箭
省耕厪與命芳淀慶昭融

葉皆爲珠

赤水生奇樹超凡品莫儕身看如柏勁葉總象珠排圓相干尋
澈光明四照皆非關秋露滴長與夜星偕傍柳宜穿綫依松儼
綴釵乍疑霏霧松從不墜風霾瑞合參瑤草珍應護玉牌山經
傳誕語豈若

樹人住

攝桑

病月稽時令家家急餉蠶攝之初試翦桑者競攜籃牆下陰猶

雙藤書屋試帖上

五

薄田間綠漸酣枝低憑小摘葉嫩任頻探人影迷深翠天光漏
蔚藍共看衫袖舉渾未斧斨參氣早鳴鳩得占還戴勝諳

聖朝衣被廣閒泄徧春三

鐵網珊瑚

大舶爭沉鐵滄溟共網珊瑚看全在水根却託于磐竇向重淵
得羅殊一目寬奇光烘浪赤古色壓波寒引訝潛磁石投非拂
釣竿楨虬千丈伏黑蜃四圍蟠恢絡疎寧漏瑰珍出自完願持
枝七尺拜手獻

金鑾

皇皇者華

草木葩華候輜車奉使行皇皇輝古驛簇簇映前旌原隰羣芳
聚風花滿路迎褰帷遙辨色遶鐙不知名香逐文襟度開當彩

琦明綠陰侵繖重紅雨撲鞍輕畫稿兼詩稿山程復水程雲霄
迴首處烟樹擁

神京

五明扇

闔扇非團扇方言例筵誣五明名可證四闔理相符數恰居中
合稱還作哲字迴排雲紉縵默召福涵滯建極開三統當陽照
八區寶於真穆穆來者信于于不有

宸章煥安知舊說庸

撫辰南鄉治喜起共賡虞

孟方水方

韓子徵孟水君民象正猶器誠非瓦合泉自異珠流舉處三隅
並盛來四角周良工踰矩謝上善摸稜羞制類操觚雅痕如記

雙藤書屋試帖上

三

玉留盤迴千字錦月寫一珪秋泥印從原提金鎔理恰侔文章

勤砥礪

聖世重儒修

麝食柏而香

物亦資乎養繁稱語溯嵇麝惟知食柏香乃驗生臍歲晚霜皮
老風高木葉淒羣游來澗壑旨蓄問山谿枯幹森磨角乾聲脆
繞蹄濃芬通腴理賸馥佐刀圭萃采寧同鹿芝銜或類麝
宸居觀物化成若徧巖棲

海氣百重樓

積水彌東極蒼溟百谷宗樓臺分杳杳氣象隱重重恍惚金銀
聳微茫霧雨封連薨橫島嶼傑構壓蛟龍遠近渾無定峩嶢喜
乍逢晶宮呈幻相鼈背補奇峰勢與三霄逼潮兼萬派衝遙知

縹緲際來往列仙蹤

風送春聲入棹歌

何處長歌起凌風放棹行新腔翻水調繁響雜春聲對語檣留
燕垂絲柳坐鶯都乘噫氣便送入轉喉清桃漲三篙軟蒲帆十
幅輕悠揚參逸韻歛乃裊餘情律呂飄難定天人籟共鳴
御舟津淀駐瞻就盡歡迎

王瓜生

訛記

宸章訂王黃本一瓜釘盤期可按夔火術寧誇蔓引千絲嫩青
彎半臂斜臍環春入抱肌粟露分華生脆超蔬筍甘香沁齒牙
縣縣滋秀岐簇簇映踈花名莫賈免誤稱休葦挈差園官諳物
候早進陋唐家

風雨奉龍

雙藤書屋試帖上

西

噫氣風生谷翻漿雨潑峰雲興雖自岳天用莫如龍倏忽周千
界尊巖奉九重迴翔爭拱衛揮灑極橫縱尾掉馳聲急涎腥歎
沫濃和甘趨律令颯沓護神蹤伯效前驅速師徵大德恭淮南
探妙旨

帝澤正醇醲

郊原浮麥氣

首夏清和候風光滿近郊高原浮作氣宿麥秀盈梢烟重天初
煥青肥地不墉芑芑平野闊漠漠遠痕交一片雲爭湧千層浪
疊拋影如離隴畝香欲到衡茅色嫩鷺兒泛花輕燕尾捎降康
昭

帝力嘗甄列仙庖

坐茅以漁

灑落風雲契璜溪水一坳漁原思釣國坐已兆分茅籊籊竿垂影英英露滿梢業雖甘草澤利豈羨舟鮫此日占爲藉他年貢責包葭同中泚采泉異出山滄技不矜投轄身寧學繫匏經綸徵拔彙義協泰初爻

道遠知驥

不有征途迴安知驥足遊雄心開道路邁往躡風烟速訝行無地遙疑欲到天自窮章亥步豈待祖生鞭鳥影飛身過風聲貫耳傳倘令終伏櫪何以異空卷遠涉真堪託長嘶肯乞憐雲程誰奮跡

聖世正求賢

將飛得羽

雙藤書屋試帖上

五

揚子談君道端由得輔強譬諸生羽翼可以佐飛翔甚欲凌霄去難爲健翮張精神潛振刷腹背助毫芒倏忽霜毛變騰騫骨力蒼有人歌鳳翽此日試鷹揚掠地俄千里盤空俯八荒爲儀逢

盛代鵬序接周行

合聽則聖

聖域優優入端由察邇言合焉中可用聽者要無煩但使思能集寧憂語太喧詢惟依厥黼屬不效於垣耳傳三漏虞聰闢四門芻蕘來草野綸綍煥乾坤業以都俞盛人因吐握尊嘉猷稽管子翕受仰

臨軒

聖爲天口

於穆惟真宰誰窺衆妙門
闡之資聖口用以代天言
呼噏通閭闔爬梳到角根
苞苴開道筦河漢入瀾翻
舌異南箕翁喉同北斗尊
包羅胸是宿斟酌氣從元
雲霧全披豁陰陽變吐吞
潛夫抒至論鄒衍語徒繁

棟莫如德

國勢巍巍重擎之孰可憑
莫如修厥德庶以仰而承
傑構連雲迴奇材拔地騰
在山工則度爲室木從繩
比象隆占吉斯人大任勝
仔肩惟正直節目自堅凝
砥柱千秋倚支撐一力能
堂廉今契合左氏語堪徵

水化爲鹽

食品稽唐賦曾聞水化鹽
熬將波出素撒作雪飛織
玉屑霏霏現瓊漿細細添
名仍晶皎潔形訝虎尊嚴
暑路霜千竈春池碧

雙藤書屋試帖上

王六

一奩薰風資早解至味異
酸甜府海功何普通商利
亦兼

皇心厯澤國休徧閭閻

首夏猶清和

令節長贏啟清和候可占
恢台初有象寒暖恰相兼
婪尾春光駐從頭夏假瞻
自饒晨氣潤未覺午曦炎
蓮葉遲擎蓋楊花緩撲簾
燔餘風淡宕樓聽雨廉纖
賦漫徵平子訛真陋德潛

宸章猶訓尙謝客句重拈

枕善而居

劉勰抒名論潛修慎獨居
此心惟樂善一枕總安舒
角粲應無藉肱橫亦有餘
知恒防暮夜夢祇到華胥
蝶與仙游栩栩因佛戒除
黑將甜入境元不祕藏書
形影衾無媿光明室本虛
宵衣勤劬誌屋漏

聖懷攄

儒爲雞廉

儒抱硜硜節桓寬比例嚴狠吞原可鄙雞食漫云廉介羽神偏
寂雄冠氣亦恬腹惟憑粟果距不羨金銛鵠立難方潔蟲爭易
屬厭桑顛呼粥粥稻顆啄織織腐異鴟張嚇糧教鶴俸沾
聖懷塵待哺鵠序凜鍼砭

點點楊花入硯池

清晝池塘永楊花正滿庭悠揚來硯席搖曳度牕櫺字體參飛
白書香挹汗青蜂須黏未穩蟾腹滴初經近墨心猶素研朱露
乍零麝煤沾點點鸚眼映星星鏤雪雙金管鋪雲小石屏
丹毫番潤渥未肯化浮萍

不差蠹首

雙藤書屋試帖上

七

蠹首雖微渺權衡所必加崢嶸如可見秒忽不容差山負非無
力螻巢竟可家蠅頭嗤細字蝸角笑雙了雷殷千聲聚星懸一
幹斜飽櫻分顆顆繁黍驗些些棘有爲猴巧輪曾射蝨誇璿璣
欽

帝政蠕動徧和嘉

四月清和雨乍晴

令節恢台啟時清氣復和芳辰晴乍放昨夜雨初過宿潤滋新
蘚殘珠漾早荷風絲飄淡宕雲絮擘兜羅鍼茁秧千罌棉飛柳
一坡耦耕催布穀尺澤驗嘉禾花市聲喧屐茆檐影挂簑甘霖
皆

帝力旣渥聽衢歌

雙藤書屋試帖

靈石 何道生 蘭士

臣心如水

千古標臣鵠嘉言記鄭崇一心從不滓此水正相同地道齋淪際交情淡泊中濁流誰異派湜沚自深衷精白塵難染澄清鑒總空高寒惟印月渙散豈因風上善堪明志淵懷卽匪躬聖朝恩澤普在位盡公忠

海中珊瑚網得奇樹

奇樹何由得徵之鐵網恢珊瑚盤石固渤海紫瀾迴破此千層浪收將七尺材拂竿曾崢嶸架筆竚崔嵬枝幹還撐月波濤任吼雷三珠應作侶一目漫相猜結擬臨淵羨珍宜傍日栽禮羅逢

雙藤書屋試帖下

聖代所寶盡瑰才

杞梓呈材

一代明良會羣臣效畢呈乘時杞梓出大任棟梁成弱柳非儕偶高桐本抗衡宗工新斲樸翹秀舊培英鬱鬱儒林選巍巍廣廈撐文章欽國器喬木仰家聲槐棘森同列冰霜鍊此生
人逢雅化棧樸邁周京

衡誠懸

稱量何由準懸來驗定衡誠能司厥柄自可得其平雀燕參良益毫釐辨重輕一鈎初月掛千點小星橫手豈容高下權難任側傾算從銖黍積數剖秒絲精測度堪齊政論文有確評
聖朝尊道揆歸極頌夷庚
師貞叶吉

地水容民象雷霆疊時恪恭承

廟算撻伐靖嘉師吉兆著龜叶威名艸木知登壇金鼓競磨盾

羽書馳君子桓桓卒

天王正正旗過真同衽席弄敢效潢池

寵命膺三錫陰謀陋六奇佇看飛捷至欣奏凱歌詞

其二

帝命褒三捷軍容壯六師貞符占地水吉象見著龜畜衆同甘

苦居中任指麾正能消沴氣剛可斷羣疑致果輕行險要功恥

出奇風雲開壁壘日月護旌旗勝算

宵衣授飛書露布馳

十全兼七德義畫契微辭

瘦羊博士

雙藤書屋試帖下

二

佚事傳甄宇稱名記瘦羊鄙曾譏食肉官恰類披香身世甘魚
蝨腥臃付蟻忙均分殊社宰勇割笑東方夢不愁蔬蹴機真等
穀忘四門爭厲節五穀漫流芳市駿誰敲骨書驢此擅塲道腴
應得味戰勝賀饑腸

水鏡

德操襟期朗居然水鏡陳品評殊物議衡鑒擅人倫混汙澄千
仞寒芒湛一輪淵涵渾不動光景總常新淨肯留纖翳汗寧受
點塵汪洋如可挹拂拭那須頻祇此風裁峻伊誰月旦真維
皇平政化三鑑保精純

班定遠投筆

定遠甘貧日傭書一布衣遨遊來雒邑辛苦奉親闈伏案雄心
在懷鉛壯志違忽看投筆起不異運籌揮頭禿君何益鋒鋸我

庶幾雖原囊底似相却管城非儻羨生花夢誰爲食肉飛他年
仍藉爾艸檄決兵機

海上看羊十九年

紙也寧能乳刀環願定違豈知萬里外不待廿年歸海上星霜
歷回中水草依羣看三百盛日計七千幾心跡同藩觸顛毛共
節稀備嘗重耳似立視距心非信盼鴻傳帛餐憑雪打圍孫宏
叨作相屬國祿何微

袁安卧雪

風雪彌深巷風裁表孝廉固窮吾道在高卧此心恬淡泊尋常
慣踈慵一倍添白生虛室朗黑守睡鄉甜梅影貪橫帳蘆花任
撲簾聲傳窗格細寒到被池尖夢不縈飛絮詩寧道撒鹽三公
難易介氣節想清嚴

寒梅着花未

雙藤書屋試帖下

三

記得書窗下梅開趁小寒關山餘夢繞消息苦真難我別唯遙
憶君來合細看春應先有信臘或待將殘老幹榮原早新枝力
恐單冰霜愁被勒蓓蕾可成攢誰索巡檐笑曾尋踏雪歡寄言
雙鶴守耐冷俟歸鞍

九九消寒圖

刺繡初添線張圖競寫梅要憑脂筆染幻出杏花來十六全身
現奇零一瓣開似從鍾律紀莫便太元猜乘以純陽數勾將薄
暖回濡毫辭墨潑剪水愛綃裁白誤妝塗額紅疑酒暈顯綺窗
清課密計日好春催

王濬樓船下益州

帆影蔽江天橫江鐵鎖連三刀專節鉞千里下樓船木柁隨波

湧風檣結陣圓號疑楊僕繼謠爲阿童傳鷁首宜衝浪龍驤果
躍淵中流爭擊楫斷渡異投鞭險隘經三峽聲威合兩川降旛
容易出應是待東遷

刻燭爲詩

竟陵矜速藻刻燭借催詩戲豈同粘鳳工真類畫脂寸心燒太
易四韻就寧遲靜對光明藏旋摘絕妙詞筆借花並燦書異舉
成疑燈焰傳無盡篇章限有時三條殊校士五字敵偏師下水
船誰似揮毫一和之

射石飲羽

醉尉誰何夜將軍意不平插看羽箭過耳詫風聲滿月彎猿
臂雙燈擬虎睛那知鋒洞達却是石縱橫鏃訝虹蜺貫弦真霹
靂鳴猛過穿七札頑欲斫三生山異鞭能走天應破亦驚短衣

誰更縛隨爾到邊城

冬山如睡

慘淡經營出荒寒晝裏山冬心堅瘦骨睡態俏低鬟霧重真成
夢泉凝儼閉關梅粧新點染石枕舊彎環八極栖雲冷千峰卧
雪閒高人同偃蹇熟客謝躋攀古貌松偕俯慵飛鶴自還伊誰
呵凍筆着意寫孱顏

山冷微有雪

冷意三分釀遙山四面圍乍看雲影重低映雪花飛睡態膏騰
甚清光點綴微略添厓薛滑小襯嶺梅肥骨聳峻瘦聲傳浙
瀝稀淡描金粉似密灑霰珠非鴉倦披林宿僧寒曳杖歸烹茶
尋逸客鶴擎欵柴扉

水嬉

太液冰初壯分曹簇綵旗羽林森並列陣馬儼交馳著屐雖同
利如弦箭忽離身輕矜鳥過志決謝狐疑但覺風生耳何曾聚
起肌制原通戰法事偶類兒嬉功羨拋毬得

恩欣挾纊施

聖朝傳妙技遠邁拔河奇

雲氣如船

雨兆占飛候徵之日下船濃雲看乍覆協氣應于先約略魚鱗
傍依稀豕浴連渡寧煩鵲駕嘯本自龍淵橫漢偕星象隨車映
斗躔天孫帆錦麗查客水程便開處轟雷鼓旋時劃電鞭甘霖
敷

闔澤紉纒繪

堯天

雙巖書屋試帖下

五

稊米在太倉

中國于天下莊生妙品題如倉原號太有米僅稱稊漫道垓埏
廣纔同粟粒擠大千歸芥子無萬舞醯雞黠或青烟擬形唯白
粲齊山應名飯類關那用丸泥練覈坤輿析河沙量鼓稽寓言
直莫破測海不須蠡

書囊爲殿帷

漢帝傳恭儉陳書曰有之露臺工罷後雲構智臨時念此囊堪
集憑將殿作帷敝予新改造啟乃舊曾資每覩彌縫迹如親諫
諍姿補苴思袞職纂組謝機絲裘委千狐稱琴操百衲宜

垂裳逢

聖治

盛德媿茅茨

春水船如天上坐

隨意坐春船，春江水拍天。渾如霄路迴，宛在鏡光圓。澹澹涵空碧，蓬蓬接遠烟。憑虛真浩蕩，倒影共澄鮮。烏榜人三兩，瓊樓界幾千。雲霞烘浦際，日月挂帆邊。查上星原客，舟中侶盡仙。更看花霧濕，韶景倍暄妍。

竹聲兼夜泉

風竹娛清聽，山泉韻復兼。夜闌剛繞夢，境冷欲忘炎。戛玉森千個，跳珠沸一匳。道心參活潑，俗耳借針砭。匹練爭鳴磻，叢篁乍拂檐。但聞幽籟合，那許別聲添。響迸琴三疊，光搖月半簾。蘭薰深酌動，佳趣更耽耽。

春風柳上歸

記送春風去，天涯落絮飛。那知萍梗泛，還向柳條歸。眉暈今朝

雙藤書屋試帖下

六

碧腰低舊日，圍陽和來緩緩。消息漏微微，昔別憑誰結。重逢尙爾依，色仍前度好。信肯隔年違，有脚看韶景。從頭驗化機。

恩暉

冶銅爲農器

冶績稽崖鑿，曾收境內銅。冶之爲利器，用以佐農功。鳴躍殊干莫，鑪錘任祝融。汗萊千頃闢，錢鑄一時充。鄧氏山誰倚，車人職自攻。寶原非地愛，效合著年豐。事偶銷金似，謀寧鑄錯同。

聖朝觀銜艾，敬爾勵臣工。

鴉背夕陽多

向夕歸鴉急，遙山額抹黃。數聲看側背，一例染斜陽。乍接參差羽，旋流閃爍光。排來空蕩蕩，畫出景蒼蒼。勢斷痕還續，形微色

自彰負喧人共樂獻曝爾應忙墨點輕描影金衣儼換裝飛卿
工體物摹繪到豪芒

山晴彩翠奇

潑眼山光好遙天正放晴彩疑圖乍展翠訝織初成巖岫真如
洗峰巒那更平摘毫爭絢爛舒錦敵鮮明爽氣驚排闥煙嵐競
繞城濃膏螺髻絢秀色黛眉橫纖翳都無隔微雲淨不生此時
閒拈笏奇句倩誰賡

目耕

土有長饑者劬書亦抵耕胸懷空得失目力極經營涉獵逾千
卷膏腴擁百城不愁銀海眩豈類石田硯運本雙成耦趨寧後
或瞠收藏憑腹笥守望有心兵剪水資培溉充腸藉拄撐韶之
留妙論汲古勵平生

人籟比竹

雙藤書屋試帖下

七

比竹爲簫管伊誰創制神成形雖藉物噓籟却由人彩鳳飛堪
引雛鶯學未真截將三尺玉吹出一腔春應得憑心手調和在
舌脣豪吟宜勁節高調動浮筠蚓笛寧能似餅笙豈足倫節韶
今有譜協氣徧臣民

斜陽下小樓

屋角參差倚殘陽淡一樓忽看斜影下彌覺小窗幽緩緩金盆
側匆匆碧瓦流餘暉俄黯澹曲檻漫勾留地自三層迴光唯頃
刻收畫思描粉本痕記在簾鉤欄擬重憑未衣還欲曝不昏黃
人寂靜蟾魄吐山頭

寒山影裏見人家

人住青山裏山寒影亦寒數家殘照外一帶暮雲端林隙簷牙

露峰陰屋角攢參差隨嶂疊結構類瓢團危磴連欹砌枯槎護
折欄地高窺最易徑曲到應難靜覺炊烟起閒描粉本看宛然
圖畫好挂笏有餘歡

松門聽梵音

清梵不知處寒山但見松音傳空蕩蕩門鎖翠重重蕭槭迷三
徑輕圓和一鐘濤聲兼颯沓唄響轉春容答處時聞鶴聽來擬
是龍莊嚴居士課高古大夫封法界雙扉掩香花五粒供禪關
如許叩釵影認鬢鬆

劉整畫地爲船

善戰傳劉整殷勤練士年風檣堪畫地雨脚任垂天鷺鶴森羅
列魚龍肯折旋行來真罔水到處卽其淵布指千艘具揚舳萬
檣連盪欣平野濶掀謝怒濤顛宛聚爲山米思投斷渡鞭將軍

雙旂書屋試帖下

八

功不泯合繼漢樓船

蟄蟲始振

凍解嚴凝候陽和振蟄蟲未看坯戶啟已識土膏融潛伏時雖
久昭蘇氣自通肯翹萌故智塞向憶前功乍覺如驚夢無聲也
發聳屈身同尺蠖動股類斯螽且守丸泥固行穿壁壘空
堯天回暖律跂喙仰

仁風

龍虎榜

淡墨標金榜羣欽歐與韓特傳龍虎號齊作斗山觀筆勢疑跳
卧科名儼踞蟠驪珠探獨得臬席擁才安所好真何怖其文炳
不刊風雲新結契詩酒舊登壇降伏歸千佛飛騰試一官宣公
精鑒識感激徧單寒

終軍請纓

蠢爾蠻夷長中朝肯會盟要當憑寸舌更爲請長纓繫頸情何切當車臂敢撐壯心欣有託隻手誓孤擎彼定牽羊辱吾寧縛虎驚羈縻歸掌握約束在權衡裝薄千金奉功高一戰成千秋欽偉績緬想棄繻生

織簾誦書

麟士耽書癖甘貧課誦嚴口惟吟卷軸手自織筠簾食任三旬併身常兩業兼幾番緗帙啟一桁碧痕織纂組清機引含咀道味馱匠心經緯密雅抱卷舒恬有韻諧金石成章等素縑禮羅今廣布佔哩徧衡閩

雷乃發聲

日夜平分候宣陽驗始雷令從天上發聲訝地中來威猛三冬

雙藤書室試帖下

九

伏機緘一夕開唄從兜率聽車喚阿香推霹靂收音久豐隆試手纔九霄唯般軫百里忽喧豗影共金蛇掣鳴還玉虎猜不驚逢

聖世震旦樂春臺

聚沙而雨

語苟其人得真同雨雨沙聚來非有意沾處自無涯錐畫鋒雖利絲垂澤更賒優柔潛浸潤融洽謝梳爬地脉鬆如此天心快莫加金光呈的礫銀竹注橫斜數擬恒河廣聲殊破塊譁綸言今渙汗利溥八埏遐

雨歇南山積翠來

霽色南山見清光北牖來日烘新積翠雨洗舊浮埃姪嬋眉雙列鮮妍鬢幾堆位同朱鳥配容自碧螺開隱豹全銷霧分龍乍

殷雷迎陽青送闔獻壽綠添杯紫氣函關映紅雲魏闕回何如
朝挂笏西爽致佳哉

子長多愛

千古龍門筆文光炳陸離由來遷史愛不讓子雲奇游俠縱橫
跡神仙詭祕詞鍾情難自割博識每傳疑鬱勃胸中氣荒唐世
外思浮夸伴左氏嗜好異經師蠶室標新格蘭臺仿舊規此心
誰共諒祇報少卿知

三能色齊

欲識明良慶三能可仰稽六符原兆泰一色自占齊兩兩微垣
接平平晷度躋位雖魁下列光肯月邊迷並似肩連袂分如級
布梯堂廉通象緯魚水見端倪有耀借衡正無偏傍斗攜五星
今表瑞兵偃息征聲

綠柳纒黃半未勻

雙藤書屋試帖下

十

記得依依柳千絲綠映苔碧痕經雪壓黃意到春回眼角光凝
乍眉尖黛掃纒剪刀工小試金縷樣初裁螺子遲塗額鵝兒尚
映胎要看烟葉徧應待緒風催嫩甲侵尋坼柔莢次第開

龍池嘉植茂

雨露荷栽培

笑比黃河清

涉樂徧無笑閻羅記氏包欲看歡劇意却比侯清嘲深自藏嗟
齒澄難賴寸膠聲常脛怒浪頰肯暈微切忽覩開顏候如逢獻
瑞交盟心原映澈天口戒喧呶欣遇祥真罕懷方性本聲黃流
今順軌慶色徧衡茅

青袍似春草

古道尋春客袍猶舊日青千眠同草色獨速異蓑形袖偃清風
薄襟披霽月靈染寧煩柳汁佩恰稱蘭馨漫共裙腰擬時偕屐
齒停藉茵渾不辨拾芥比曾經神合縈書帶囊餘照字螢他年
緋紫賜故物肯長局

曲直不相入

既悟方圓理還將曲直參賦形原不類相入又何堪象本鈎弦
異情寧水乳甘九迴腸有別一往氣無慙鍼漫期磁引珠惟藉
蟻探從繩羞枉尺由徑笑又三扞格終難化歆邪孰肯函
聖朝登衆正治法證淮南

善師不陣

不藉堂堂陣羣瞻赫赫師鴟鴞都向化我鸛那須爲戰格風聲
靜軍書露布馳從來征者正豈效率然奇偏伍嗤先後圓方陋

雙藤書屋試帖下

十一

矩規功欣三捷奏術笑八圖披所向原無敵何由更設疑
宵衣厘廟略深契穀梁詞

折蒲學書

王育書頻肄編蒲學共勤折來釵股樣聊當雁頭紋事擬題桐
便形參倒薤紛含茸欣刺水潑墨好成雲波磔留書簡菁英燦
綠文攀應借細柳弄不倩香芸品合松枝並功還柿葉分後賢
誰接跡晝荻溯前聞

諫果

山谷評佳果名將諫評參質能存正味品可並餘甘苦口津徐
潤聲牙澁乍含淡交初落落回美竟醞醞雋永宜茶熟清巖敵
酒酣側生嗤赤荔奴隸鄙黃柑擬借彈蕉贖真同食蔗談

堯階榮屈軼包貢集東南

落花還就影

珍館招涼好繁英燦日華平鋪層疊影幻作兩重花忽自叢中
落還從蔭處加形原可証印印却無差果以前因認根憑故
蒂遮癡看偕蝶戀鬧怕值蜂衙風軟飄難去身輕墮每斜靜中
空色相參悟到禪家

二十四番花信風

廿四番風過番番總爲花關心知有信屈指驗無差十二春宮
款三重卦位加護看幡影動催謝鼓聲搥計節期年應分方兩
倍賒棟梅先後準紅紫萬千嘉浦際香成海橋邊爛若霞

薰琴欣茂對韶景更芳華

四之日舉趾

卯昌辰居四陽和德正宣出耕籍夏正舉趾徧春田襪襪遮身

雙藤書屋試帖下

上

短茅蒲覆首圓一犁塗足雨千頃繞鞋烟敢惜胼胝苦羣爭捷
足先踏來泥滑滑芟去草芊芊高步心彌固勞筋力自專劭農
宸念切蹈詠樂

堯天

以水投水

水本清虛物還須以水投微言參上善罕譬到同流淡處方醪
別融時較乳優調應綆汲斷豈慮刀抽自合淵源証誰知挹
注謀波瀾莫莫二膠漆那能侔濟不重離借占惟習坎求淄澠
仍可辨恐遇易牙儔

微雨從東來

浙浙吹微雨冷冷送好風降時惟潤下來處却從東細點西窗
注斜文北牖通晨曦慳放霽返照怕成虹籬菊思曾冒阡苗喜

乍蒙輕勻滋木德揮灑出春宮迎合青郊並占還紫氣同
宸居方左个浦澤恆

皇衷

春郊餉耕徒

春及興田事耕徒徧四郊日中都饁餉風味雜山肴挈榼爭于
野攜壺早出庖飯香三里送花影一肩清炊黍珠盈盃烹蔬箸
解包羣分陳七箸團坐藉蒲茅果腹如牢享餘糧任烏鈔農官
嘗旨否粗糲不須嘲

麥氣涼昏曉

佳句傳江令清遊紀攝山嫩涼生麥隴浮氣到柴關曉白雲千
疊昏黃月一彎遙香吹餅餌餘潤上烟鬟素節先秋借晴暄薄
午還蕙風寒綠轉花雨濕紅殷暝色歸鴉閃晨曦鳴雉斑降康

雙藤書屋試帖下

三

厘

耄念

宵吁凜圖艱

麥光紙

紙湖成都製東坡入咏嘉浮光看是麥搗屑却從麻不藉筠簾
研居然玉版誇衍波疑浪湧側理訝腔斜滑膩迎秋實堅瑩挹
露華色真侔擢秀格好稱簪花拂處含餘潤鋪來絕點瑕來牟
厘

睿念

宸翰染雲霞

醉墨成桃

柯占稽靈蹟安期石上桃寫惟資潑墨成不藉揮毫酒氣蓬蓬

出花光灼灼高仙源遊本熟草聖與同豪軟飽逡巡得生機頃
刻操金壺噴汁艷山骨著根牢實遲三千結竇先十二勞會將
瓜棗食美醞酌蒲桃

春雨如膏

霖霖知時雨當春沛若何作霖滋土脉如膏仰天和鍊液資雲
厚霏甘較露多濕紅脂染樹肥綠漲添波温潤宜抽麥醇醲助
養禾隨車脂棘軸洗甲挽銀河醞釀渾無跡沾濡總不煩
丹毫含沆漉妙義正傳訛

其二

取譬霏霏雨如膏俗人訛要知春澤象須證黍苗歌寶露分甘
溥油雲鍊液多嘉生資布獲淑氣賴調和渥豈醞酬遜濃還沆
瀼過輕勻疑汁染滑膩勝酥搓泥軟融雙展烟濃重一箕農田

雙藤書屋試帖下

十四

含潤處沾漑總

恩波

其三

既雨欣膏膏如甘受和和三春敷

愷澤百穀仰

恩波水漲脂千斛山濃髻一螺洗車參炙輓濯柳訝穿梭塊賦
何須破酥融不待搓醇醲滋宿麥醞釀到嘉禾韶景敝來徧烟
光晝出多

皇心欣發育音義訂沿訛

大樹將軍

諸將論功日公孫迴出羣身惟依大樹誦已徧全軍拔地心懸
漢擎天氣拂雲甘棠同表績細柳共銘勲交讓應如是高標孰

並君萼亭思豆麥
變社憶榆枌號異秦封錫名因范史聞南宮
圖像在喬木尚餘芬

和神當春

志氣如神妙和光體善元乍看含喜色卽可當春暄宛爾天倪
露居然木德温坐來風有象化處雨無痕潤澤才原大吹噓力
不煩草常留在砌蘭肯刈當門烟景何須召生機鎮自存

甄陶欽

聖治薄海被

深恩

流觴曲水

列坐清流次周回引碧湍水形成詰曲觴詠恰團樂飄處疑飛
羽停時類止丸迅隨三折泛小住一渦盤彝本通舟象杯真作

雙藤書屋試帖下

五

渡觀乍看遵枉渚忽送到迴欄箭駛剛分竹醪香正執蘭

石渠留禊本八柱繞晴瀾

律中姑洗

維病調辰律名稽月令篇已將姑借故還以洗諧鮮灰散重緹
密筒逾七寸圓生從南呂遞位與夾鍾聯鼓角韶堪叶占爻夬
可詮收完春九十絢染界三千木德和聲暢桐芭應候妍

宸居方右个韶景繪

堯天

草木莠生

病月乘生氣徵之乍出莠草心皆暢達木德露端倪霍靡光浮
岸龍蔥色映堤蘭蓀期作佩桃李竚成蹊雨屐行來軟風刀剪
出齊金鉤三徑屈翠幄一行低甲坼欣飛蜨丁寧護轉鸕

上林時茂對管語特研稽

三月桃花浪

竹箭分江駛桃花湧浪寬霞從天際絢春到鏡中寒路擬仙源
接人疑古洞看誰傾脂萬斛併濯錦千端梗泛漂相似風迴聚
亦難暖烟皺穀軟急雨洗粧殘葉暗鶯爭樹鱗肥鰕上竿宣房
宸念切順軌衆流安

珠塵

丹海翔靈雀銜珠細漾風真如塵漠漠錯訝霰濛濛飛處光生
夜揚時彩耀空成山資積累媚水想玲瓏圓質留清白浮蹤逐
軟紅品原侔鞋鞞跡肯寄蒿蓬種玉爲田似施金布地同抽沉
逢

聖代盡入禮羅中

雙藤書屋試帖下

十六

燕雁代飛

燕雁趨南北其時驗二分代飛如有意類聚本非羣冷暖情俱
識翩翾志各殷往來梭樣織消息路歧聞話別聲才寂驚寒陣
忽紛呢喃沙塞雨嘹唳楚天雲星列參商象圖成主客文淮南
參物理默運仰網緼

鑑空衡平

藻鑑歸宗匠權衡協至公空時原洞澈平處肯圓融朗映冰壺
似稱量玉尺同妍媸知立判輕重詎能蒙月滿瓊樓界星橫斗
極宮淵涵心自定上下手無功坐照周羣類誠懸用一中

熙朝登選亟

作哲仰

宸衷

山意衝寒欲放梅

欲識山靈意梅梢數點看瓊葩猶待放玉蕊已衝寒蓓蕾天心
蘊根株地力蟠翠屏疑作障縞袂不嫌單淡白霜千樹昏黃月
一丸晚風何側側仙骨自珊珊疏瘦欺晴雪橫斜畫遠巒誰將
官閣興春信報平安

戊午仁捷京兆出蘭士夫子房進謁時每商摧經史旁及詩古文詞名人書畫俱爲剖析其源流正變而臺臺言之所刻雙藤書屋試帖一卷入行於世天才英博亮拔不羣雖八韻詩而詩人之性情風骨全體流露仁嘗錄所作就正過蒙期許謂可拔戟自成一隊獎勉之意心誌之不敢忘癸亥冬仁奉先父諱歸里師于乙丑出守寧夏道路遼遠未得一致書爲憾丁卯春入都補官道晤彭遠峯翰編同門驚聞師歸道山泣下霑襟蓋不獨平生知己之感而爲

國家少一良吏士林失一宗工惜也抵京晤春民世講昆季恂恂能守其家訓勸學不倦乃知吾師未竟之緒鬱而彌光正自有在適以雙藤書屋試帖續集付梓屬仁校訂且謂是吾師之命也仁材陋學蕪何足校吾師之詩而悵大雅之不作感賞音

雙藤書屋試帖序

之易孤輒歎歎不自已爰任校讐而識數語於後至詩之清深華妙鍾鍊之極渾然天成則讀者自得之

嘉慶丁卯十月朔受業楊景仁謹識



